

乾

隆

鄞

縣

志

鄞縣志卷十九

列女

士有百行女子之道從一而已後之論人者刻於  
士大夫而寬於女子每見郡邑志乘人物寥寥數  
人猶且從而訾議之而孤雌失偶終身不更適者  
無不垂名竹帛并其夫之姓名亦賴以傳斯亦不  
幸中之幸矣范蔚宗列女兼取才行高秀者今依  
斯例其有詞藻可觀詩文成集者并采錄之

宋

周師厚妻范氏吳人仲淹兒子也幼孤仲淹器愛之既歸  
事舅姑奉祭祀治家教子鄉里稱道之元祐以後兄弟相

繼登用塔陳瓘亦除諫官人以為賀無喜色已而竝遭竄  
逐亦無憂色長子鏐謫監泉州稅念母老不忍離去乃戒  
之曰汝罪大責輕朝廷豈終棄汝亟行勿以吾為念年七

十九卒

鄒浩撰  
墓志

冀國夫人葉氏慈谿人歸於史簡簡為縣從事尉受賕杖  
平民簡憫之杖首雜朱殷以進初舉杖血流於尻尉怒以  
水投之誠偽即以平民所受罪杖之歸數日死時夫人年  
二十五有娠簡且死屬曰若生女當嫁果男也幸謹視之  
後得男曰詔鄰保咸曰汝家若是褌中兒寧可恃耶夫人  
自誓不聽晝夜工紡績俾其子從師於鄉且日讀書以行  
已為先操筆為文詞非聖賢本旨其子訖為善士晚歲生

產益裕養孤女數人俾有歸年八十六以終以孫曾貴盛

兄十八封至冀國夫人

廷祐志

童入娜通遠鄉建縣人虎銜其大母女手拽虎尾祈以身代虎爲釋其大母銜女以去林栗侍親官其地嘗目睹之

已而爲守以聞於朝祠祀之

宋史列女傳

鄭覃妻董氏建炎四年金人陷明州覃拏小舟與董同載爲兵所執覃不屈躍水死董哭曰夫亡矣與其受辱以生

不如死亦自沉

宋史新編

袁進士鏞妾者不知何氏女公之死闕家人方上冢回舟次鼈山聞變妾與公之三子二婦三孫兄子衡之婦胡氏及其子婦并二孫姑之子下及二僕一婢凡十七人悉赴

水死今鼈山有解袂滙橋以此得名也

西袁氏家乘

鄭思肖母樓氏鑰之從妹宋亡偕思肖流寓吳中寄寶林

尼舍自號普西思肖則號所南皆取不北向也

聞志

元

黃天驥妻蔡氏初在室聽諸弟讀小學書至女子十年不

出問曰女子之道止是乎父奇其言因教之慈孝節義及

古列女事乃喜曰斯可以為人矣年十八歸黃有子曰傳

孫甫晬而黃死婦屏華采服艱勤以奉其姑以保其孤子

三十餘年如一日子亦能自樹立補儒學官有司上其事

於中書省表所居曰孝節

黃清黃節婦傳

盧秀卿妻何氏至正間秀卿任管界司巡檢嬰疾而亡何

年二十五奉姑守節五十六年有司上其事表曰孝義之

門

嘉靖志

應仕鵬妻張氏年十八而夫亡遺腹生子槐矢志自守孝

養舅姑教子讀書有成任儒學官旌爲節孝之門

嘉靖志

胡志學妻王氏名守貞年十八歸胡二載夫亡父母舅姑

憐其無子將奪其志氏誓死守嗣以族子孝養舅姑朝夕

弗懈比歿喪葬如禮泰定二年旌表其門

成化志

劉氏名宜字淑靜歸定海樂壽孫壽孫渡江死同載者多  
不得屍劉氏生男甫周歲抱之沿流哭而求屍屍忽自浮  
得收葬焉時劉年二十九撫孤勤苦克成家業至正間表

其門

成化志

金良女名汝安少以孝聞父母多疾汝安侍奉惟謹及笄里中大家爭求聘汝安曰父母老且病雖有兄弟馳驅門戶事奈朝夕養何自是絕葷茹蔬夜則焚香告天願減己算以益父母父先母一歲卒既服斬衰三年而又服齊衰三年適終喪年已四十七遂不嫁史官危素爲之贊

成化志

張定山妻樓氏名道真無子其媵汪生二子女海文慶撫育如己出夫疾革謂曰吾親老子幼不幸至是汝方年少

自爲之樓泣誓無異志既寡父兄欲嫁之號泣幾絕奉舅

姑益謹命二子受業程端禮之門至正九年旌其門

成化志

范淦妻董氏名守貞生而貞靜沉默女紅之暇錄古人經驗方察藥性以衛養二親俟其二弟成立乃字適范五年

而夫亡姑與母欲奪其志泣曰夫亡幸有子矧姑與母皆  
年老孰與供養如有復我者請以死謝之教育子女皆成  
人年七十卒至正四年旌表其門

成化志

謝懷正妻陳氏仁和人生子惟敬甫二歲而夫亡時年二  
十父欲攜之歸誓死不從奉姑教子年八十一卒郡守邱

楠奏旌其門

嘉靖志

張穀寶妻祝氏名清年二十三歸張爲繼室時夫已疾革  
期月而卒初穀寶娶傅氏無子納二妾長馬生子遂孫次  
李生康孫李性悍妬待傅氏無禮傅以憤懣卒及清至李  
假主父遺命立已爲嫡凡貲產悉據有之清善遇馬氏鞠  
育其子如己出遂孫長娶而有子子復生子及孫凡三世



清尙無恙壽八十五卒

成化志

汪彌亨妻陳氏年十九歸汪明年有子曰常久甫二歲汪死諸父昆弟欲奪而嫁之哭曰老姑弱息汪氏不絕如綫以是而有二心犬豕不食吾餘矣奉姑保孤五十餘年如一日有司聞於朝旌其門

戴良汪節婦傳

蔡志善妻夏氏字守貞定海人年二十四歸蔡三年生子敬未及晬而志善死時海上兵起隣有嫠婦嘗相與誓死守義後竟易其心而更誘之以甘言婦謝絕之終其身弗與見後姑病婦焚香焚臂乞以身代病旋愈教子必納於

矩度

戴良蔡節婦墓志

金氏詳定使程徐妻也京城既破謂其女曰汝父出捍城

我三品命婦汝巖家女又進士妻不可受辱抱二歲子及

女赴井死元與列女傳

薛明道女名義字尙四許字宦家子未及歸而夫死貞守

不嫁事親惟謹備奩具植孝思堂於父墓側薛氏世享焉

開志

陸燾妻趙氏吉安慕長澤孫女燾鄞處士主塾海寧至正

間兩浙多虞與趙隱居松之瓢湖丁未夏海隅有警兵猝

至燾偕趙倉皇赴舟同難者爭舟燾竄登岸將復攜以行

而兵偪之傷刃者三逐仆深淖趙竟自投於淵當時有歌

之者曰四月三日兵撓湖婦女多被辱與驅殉節伊誰天

水妹松江府志

包旭章四明志補曰松江府西北七十二里有澱湖湖之南曰孤湖卽趙所殉軀處也

明

胡谷銘妻王氏名潤玉夫染瘵疾延及一門死亡略盡潤至時年二十餘獨抱遺孤處一室人其危之母家勸之歸且曰是家不祥而欲相從爲鬼耶潤玉泣曰吾一出是門置胡氏神主何地乎自誓以死勤苦紡績撫育二子年七

十二而卒

成化志

蔣節婦字申申幼失所恃恪恭姆教年二十歸於同郡陸士元宋寶謨閣待制游七世孫也生二子公慶公建士元以勤學致日疾節婦鬻資妝延名醫療之稍愈復治簡冊目遂以瞽及卒節婦執喪盡禮親戚有哀其早寡者微諷

之節婦泣曰水不逆流理勢然也爲人婦而容再醮耶以死自誓親戚廼不復言舅姑已老事之甚謹飲食湯藥之供未嘗少缺嘗撫其子流涕曰汝父以勤學喪明而殞命之不淑非學之過也汝等繼若父志思自樹立可矣遣就外傳旦暮覆考所業公慶以鄞學俊選入成均奉廷命出使未幾得請而歸與其弟公建致養時節婦年逾五十而

其舅亦康寧壽考云

崇陽外史集

吳景仁妻陳氏名勝可景仁侍父徙濠梁臨行謂氏曰吾母在堂乳下兒腹中姪宜善爲我計之氏曰敢不力已而又舉一男奉姑畜子靡所不盡而歲致資於舅不絕舅與夫相繼歿於徙所訃至慟絕復蘇勗其二子學業有成

嘉靖

志績錄

邵氏字妙秀饒州餘干人金谿教諭邱汝恭女歸袁忠故  
 忠故父給事中廷圭先為茂名簿與汝恭同以罪遣戍大  
 寧因為昏姻年十四來歸善事繼姑胡氏流離轉徙於戍  
 所極困無怨言永樂七年忠故從父入北京墜馬卒妙秀  
 聞耗慟絕已乃瞿然曰吾自分不復生念夫死未葬女幼  
 子未及過舅姑老矣誰與任其責者則強起治食事苦節

三十九年 西袁氏家乘

戴樗妻李氏樗樵海為業颶風作溺死李慟哭茹蔬苦寢  
 終其喪其父諷令改適哭泣誓死躬紡績撫幼子稍長乃  
 令傭作以供饗殮有司奏旌其門

嘉靖志

義姑萬氏名義顓字祖心寧波衛指揮僉事鍾女幼貞靜  
喜讀書兩兄武文皆襲職殿死殉無期功之親繼母曹氏  
兩嫂陳氏吳氏皆盛年孀居吳遺腹僅六月姑旦暮拜天  
哭告曰萬氏絕矣願天賜一男續忠臣後我矢不嫁共撫  
之已果生男曰全姑喜曰萬氏有後矣乃與諸媵共守名  
閨來聘皆謝絕之訓全讀書迄底成立全嗣職傳子禧孫  
椿皆奉姑訓惟謹姑年七十餘卒姑之祖斌及父兄皆死  
王事母及二嫂守貞數十年姑更以義著鄉人重之稱爲

四忠三節一義之門

明史列女傳

楊孟輝女守貞八歲許字僉氏伯子伯子死僉氏請以仲  
繼楊父母許之及請婚期守貞以死自誓泣拜母前曰大

人許兒爲俞伯婦疇知有仲也願大人以兒子畜之雖白首不悔父母憐而許之遂臥起一小閣不與家人相接年六十四而卒私謚曰守貞

嘉靖志

豐勳妻徐氏年二十五而寡誓以死殉自投於地傷手足姑救之得不死衰麻蔬食終其身壽八十四而卒正統八

年詔旌

嘉靖志

謝仲華妻田氏慈谿人年二十仲華亡隣富豪欲娶之斷髮以誓攜幼子遷避於鄞子出不返又撫其孫督以學永樂七年孫成進士官御史時氏年七十矣

開志

章智通妻俞氏年二十四夫亡父母欲奪其志斷髮自誓撫子成立守節三十八年天順年間旌表

成化志

包文助妻張氏名如涓年二十二歸包甫期生子旬未及  
晬而文助夭夫之女弟誘以改志不聽夜爲鬼祟以怖之  
張知其僞覆燈以覘俟祟發卽啟燈女弟慚而退自是勤  
紡績養姑育子年八十餘卒曾孫澤溥聯舉科第爲御史  
人以為節義之報

嘉靖志

倪元妻黃氏潤玉之女孫年十九歸元三年而元沒祖姑  
在堂二季韶齷氏奉姑得歡心撫二季甚悉姑沒殯送如

禮年八十五而終

嘉靖志

朱瓏妻陸氏刑部主事謙光之姊諳孝經列女傳大義年  
十八歸瓏四載而瓏卒事姑甚孝撫嗣子如己出紡績自

給庭無間言年七十三而卒

嘉靖志



錢塲妻徐氏塲客闖死氏年二十八撫六歲孤晨昏織紉不少怠成化初旌表聞志

錢瓚妻毛氏給事宏之女性孝給事卒哀毀不欲生方娠恐不得送葬乃自墮其胎以此殞命聞志

錢奐女母陳早卒與兄熒熒相依兄溺死女悲慟而絕年

十二聞志

徐協妻余氏年二十五夫亡無子誓守節成化七年旌表

嘉靖志

志

高宗常妻葉氏宗常代兄遠戍歸而避疾卒其兄欲奪氏

志火其弟樞析其資投以諸艱終不變志撫子謙成立氏

年八十有八宏治初詔賜粟帛旌其門聞志

張昺妻謝氏名媿姝昺役京師病卒氏年二十九卸鉛華

事紡績奉姑孝謹撫二子俱成立次子誠充府學生員年

二十八而歿婦陳氏年二十六依寡姑守義人稱為雙節

成化四年旌其門

嘉靖志

錢紀妻董氏御史琳之女紀卒氏二十三飲冰茹檠白首

不渝奏旌其門

聞志

王氏太守瑩之從女歸定海樂恕三年而恕卒撫孤足不

踰闕雖歲時不御羅綺白首如一日知縣鄒餘慶名其堂

曰貞壽

聞志

曹氏寧波衛千戶誌之女歸奉化項慄年二十一而寡甘

貧守節課子讀書宏治十二年詔旌其門

聞志

陸厚妻徐氏厚會試下第歸而道卒氏年二十六養舅姑

育遺孤終身不御華飾宏治十二年旌其門嘉靖志

陸塲妻楊氏年二十四夫死終身縞素躬織紝以教子雖

劇寒暑不廢壽五十七終宏治十五年旌其門閩志

沈歌妻蘇氏字淑貞年十九歸沈三年歌亡子才四月父

母舅姑欲奪其志嚙指自誓勤紡績以營衣食年八十三

卒閩志

屠湘妻董氏名如佩年二十五守節矢死靡他宏治年間

詔旌其門閩志

張公華妻王氏年二十一而寡子純之婦王氏年三十二

而寡時純長子懋方七齡次子恆尙乳哺姑婦撫抱遺孤

日夕相弔已而恆亦天其妻薛氏年二十四苦節三十餘年一門三節里黨稱之開志

張道成妻褚氏年二十五而寡守節終身子清克孝遇褚疾危刲右臂和藥療之卽瘥褚卒清廬墓三年有紫芝之祥清妻孫亦守節撫孤馘戴成人孫疾馘戴亦刲臂作羹以進主事宗佑題其居曰世全節孝開志

梁衡母劉氏年二十七而寡衡生甫踰月喪殮常不繼草屋數椽不蔽風雨常佩刀以自衛曰賊至卽死耳年七十開志四而卒

宋漢妻陸氏太守坡之姊漢早卒勤紡織以奉舅姑正德年間旌表嘉靖志

聞能妻陳氏夫卒時妊子方六月姑慮其年少家貧微探  
之泣曰卽無後尙欲保姑天年况幸而有子乎以死自誓  
奉姑愈謹正德九年旌其門

嘉靖志

李珂妻胡氏年十八歸李越七年而珂死遺男女各一胡  
誓不踰閭鄰火作珂兄珮往救之曰阿姆來吾乃出珮使  
妻陳往胡以七歲男自孺付之屬曰幸善視之陳曰嬾將  
何如給之曰取少首飾卽出陳去胡卽累衣箱塞戶抱三  
歲女端坐火中死

明史列女傳

忻玉妻楊氏年十九玉病疽死楊痛哭而絕三日家人具  
殮乃蘇猶噫噫作哭聲遂斷髮誓死無他志玉嗜鯉每忌  
日必設偶值河枯楊悲慟不已忽一漁父持鯉至以一金

錄  
得之祭畢食胙得原金於魚腹中人以爲哀感所致兩浙名賢

余暄妻周氏字如珍年十六歸余成婚六日暄卒氏剪髮自誓族有難其守者語泄氏恐中變乃自縊救甦者三朝夕守一樓力勤紡織以從子謙德爲嗣謙德子本中正德六年榜眼時氏年九十張樂設晏氏謂有背生平苦志屏之年九十七而卒婢阿秀及笄將嫁之秀堅志悲哀願事主母以終年六十先卒王文成題其墓曰節感孺人曹志

謝璫妻周氏名應祿璫客死會稽氏年二十六子表甫三歲歸夫骨以葬豫穿已穴於笏子患疇疾祝曰天不絕謝

氏幸全吾兒已而果愈年七十五旌門嘉靖志

李維勤妻薛氏名志貞年二十二而寡朝夕忍泣以奉姑撫女姑癱發背不能臥薛朝夕抱持以身爲藉背不就席者三月姑卒哀毀成疾卒

嘉靖志

李郭翁妻潘氏繼姑王氏每以非禮加之氏委曲承順後病痿氏侍湯藥抱持不懈又事繼姑陳無異事王舅與夫相繼死氏年二十九二子尚幼歲饑或勸其鬻書自給潘曰李氏累世所積以貽子孫者惟此耳忍輕棄耶乃織作以養姑教子後被旌

嘉靖志

何清女許字應仁年十六得胃疾不愈應將迎之女曰吾不幸嬰疾可復以身爲人累耶卒依父母比父歿號哭自

毀卒

嘉靖志

趙勤妻余氏名德貞年二十一夫亡子文志方周晬歲饑

草棲絕粒族人欲奪其志德貞斷髮折指以死自誓勤紡

績以撫子年六十八卒

嘉靖志

楊文瑜妻王氏夫戕於傲弟氏年二十八憤欲自經以方

娠不果姑欲奪其志誓以必死逾月生子鎬舍寃茹苦撫

遺孤而教之目不窺戶

嘉靖志

張葩妻楊氏年十七而嫁嫁七日而寡諸伯氏欲圖其產

以訛言相誣終不爲動白首一節人無間言

嘉靖志

李八妻林氏生子性三甫周而八死林擗踊哭泣幾不欲

生性三長娶婦邱氏舉一子而性三死邱他適林抱育遺

孤紡績以自給

嘉靖志



倪鉞妻王氏鉞性不慧王奉之至敬鉞暴卒氏年二十七  
家業衰落屬其子曰丈夫會有消長無事戚戚只恐海乾  
人白頭耳年八十四終

嘉靖志

陳襄妻倪氏襄爲鄞諸生早卒婦年三十無子家貧力女  
紅養姑人有慕其姿者遣媒白姑婦煎沸湯自漬其面左  
目爆出又以烟煤塗傷處遂成瘡惡狀媒見之驚走不敢  
復言歷二十年姑卒婦哀慟不食死

明史列女傳

許元忱妻胡氏元忱爲徐祝師養子習巫祝事胡鄙之勸  
夫改業且勸歸許宗未果而元忱疫死氏殯之許氏廬苦  
臥柩旁夜擁一刀臥里惡少伺強娶之氏毀面截鬢髮斷  
左手三指流血淋漓惡少驚遁族婦尊行者抱持之大慟

因立應後者令子之服喪三年不浣不櫛畢葬乃爲子娶  
婦夫有弟少流移復爲返之許氏賴以復起明史列女傳

王應鵬母金氏名文貞嗜學工詩夫亡教其子應鵬成名

累封太淑人應鵬爲世宗朝名臣嘗貽書張文定公曰不

肖得稍自檢飭者皆母教也浙東推闡範母儀必首稱焉

甬上耆舊傳

董銓妻陳氏銓上禮部試道卒氏年二十六抱遺孤悲泣

不勝遺腹復舉一男則頗慰曰獨根不任鬻蠹吾今乃復

得此兒也含哀教二子竟全其節嘉靖志

章海妻陳氏年二十四夫亡越三日產一女姑鍾氏欲季

子之專其資也連奪二婦之志次將及陳會海葬姑屬營

一穴陳截髮齧指悉捐奩具以營雙穴宗人知不可奪立

從子爲後

嘉靖志

沈渭妻蔡氏年十九歸渭生子應麟明年渭死舅姑欲奪

其志抱子而泣矢志自勵

嘉靖志

許瑜妻季氏名添瑜爲盜所害尊長欲再嫁之氏欲自盡

乃不敢復言整治田廬資其孤從學爲名士年七十卒

閩志

陳楸妻于氏年二十二楸亡尊長勸其改適泣曰烈女不

更二夫此言何爲至於我勤女工以奉舅姑守志五十餘

年嘉靖初旌其門

閩志

張子瑛妻周氏年二十夫亡無子以從子爲後礪志砥節

閱五十七年如一日其後族人尙彬妻陳氏忠補妻陸氏

皆甘貧守節聞志

黃家祥妻楊氏夫亡終身不事華飾躬紡績以撫孤壽七

十三卒曹志

王震妻方氏年少孀居矢志不再適聞志

殷桂妻錢氏名玉英歸殷三載夫亡孝養舅姑不懈撫叔

楠所出子爲後卒年六十有五聞志

張得富妻馬氏得富死氏年二十九無子父母勸之嫁對

曰舅年未邁若娶妾有叔叔生子以後吾夫可無子而有

子也誓不易志舅果娶妾生二子舅沒爲撫養成立年六

十有九卒聞志

張性妻楊氏年二十四而寡以伯氏子爲後早夜紡績以

資生事 嘉靖志

唐璋妻蔣氏年二十八璋亡家貧或諷之改圖氏斷髮以

誓閉戶紡績撫二子成人年八十而卒 嘉靖志

朱泉妻王氏年十八歸泉泉卒遺孤幼扶抱成立奉姑唯

謹畜從子不異已子 嘉靖志

王守中妻呂氏年二十五而寡遺腹舉一子夫兄某常欲

害之一日孤出某與之果試諸犬犬斃呂大驚謂某曰伯

氏爲此者利吾產耳先人遺產請與伯氏三子四分之自

是孤得無恙守志四十餘年女適徐奎亦以節著 曹志

徐奎妻王氏生子海五歲而奎卒王年二十三事姑孝敬

撫育遺孤海娶余氏海卒余年十九遺孕生子曰定示其

志有定也家日落勤紡績以養姑定娶周氏甫二載定卒無子乃子族人之子以節終三世嫠居皆跡不踰壺聲不

出戶

兩浙名賢錄

張珍妻趙氏珍家徒壁立成化十九年舉於鄉踰年卒氏年二十二勤女紅以餬口坐臥一小樓寒暑不下至自首

宗戚有不識其面者

兩浙名賢錄

陳櫛妻毛氏年十九而夫亡遺腹生子榮斷髮自誓不可

奪其志

聞志

傅湖妻樂氏早寡子幼餽粥每不繼父奪其志嘗語以母病令歸省既歸見母無恙陰識其意乘間攜子歸苦節

以終

聞志

樂元和妻陳氏年十七而寡無子諸叔亦艱於嗣氏早夜

籲天願早賜夫後如是十餘年仲叔始舉一男立為後曹志

虞汴妻黃氏年二十四汴亡有子甫九月父母欲奪其志

以死自誓終其身不歸寧孝養舅姑撫其子成立守節四

十餘年聞志

徐良璧妻何氏年二十五良璧死事舅姑撫遺孤備嘗荼

茗聞志

俞玉妻王氏年十六歸玉甫二十二日玉死閉門躬麻泉

治廿旨奉舅姑無怠年七十九卒嘉靖志

盧璉妻管氏年二十八璉死遺孤僅三月誓死無他志教

子奉底成立嘉靖志

黃毅妻邱氏毅卒氏年二十五斷髮自矢育二孤每夜分躬執麻象以督誦讀巽成進士官主事有司奏旌其門

嘉靖志

屠漢妻吳氏進士仲賢女孫年二十夫亡家貧力作以供

其姑以撫孤子姑病露禱乞身代嘉靖年間旌表

嘉靖志

王相妻劉氏名淑清年二十歸相相官翰林死於諫遺孤

又死乃子其從子含哀力節以供舅姑三十餘年親戚鮮

得覩其面

嘉靖志

趙瑞妻張氏名潤玉生子龍甫四歲瑞死家貧舅姑垂白

氏茹荼攻苦紡績以事龍妻孫氏事姑亦以孝聞後龍子

參魯貴皆累封一品夫人

嘉靖志



王淮妻金氏年十六歸淮淮父卒殯於堂堂焚氏伏棺慟  
哭風返火息淮死砥節自矢勤女工以養其姑守節四十  
餘年有司奏旌其門

嘉靖志

陳淳妻韓氏淳亡氏年二十二撫三歲孤專事紡績守節

三十餘年有司奏旌其門

嘉靖志

毛恕妻余氏恕卒氏年二十四子方四歲伯叔逼之嫁誓

死不移年八十而終

嘉靖志

賈錠妻丁氏錠以寧波衛百戶轉漕赴京道卒丁聞一哭  
而隕移時乃甦後數欲自縊家人密防之不遂乃撫前妻  
子文榮愛如己出其叔潛欲奪其志氏引刀斷指以誓一  
日火將燎宇仰天告哀旋滅息里人驚異之

嘉靖志

夏冕妻王氏年二十三而寡遺孤二人俱在襁褓姑老齒落每晨起先以其乳乳姑嘉靖丙辰倭寇至負姑入山披荆棘破肌膚姑賴以全

兩浙名賢錄

呂瑛妻張氏年二十四瑛死貧甚誓不改志撫孤成立年八十餘卒有司奏旌之

嘉靖志

紀璘妻陳氏璘病癩不可近氏竭力護療無所嫌璘竟不起無子氏年二十七矢志不渝孝養舅姑撫繼子清教育

備至

嘉靖志

樂友母陳氏名守真適定海樂氏夫早死姑老子幼自誓竭力奉姑爲諸姒先教其二子皆有成

嘉靖志續錄

邱原和妻柯氏名勝瓊定海人歸原和三年生子友甫周

而原和卒父母憫其少微示以意氏以死自誓友奉母訓

以善行稱

嘉靖志

馬周卿字芷居金陵人為陳沂繼室賢而有文年八十尙不廢吟咏喜山水自描畫畢手裂之不以示人扁其室曰

芷居

甬上耆舊傳

陳東妻董氏山陰人侍郎玘之女生甚慧玘嘗曰吾女非得奇男子勿字偶與張邦奇游禹穴言其事邦奇曰吾里有陳生其人才足婿也玘即挈家來甬上召陳生垂髻敝衣膚神玉映叩之無不響荅試以詩文揮筆如雲烟玘喜命即日為婚伉儷甚篤及東沒未幾董亦卒

明史陳東傳

屠瑞瑟字湘靈禮部主事隆女士人黃振古之妻隆二男

一女俱能詩長男金樞娶宣城沈氏名天孫字七襄翰林  
懋學女亦長吟咏隆每作詩輒相寫和人方之謝太傅家  
隆妻亦知文有作輒就商訂焉隆有句云封胡與過末婦  
總愛篇章但有圖書篋都無針線箱又云姑婦歡相得西  
園結伴行分題花共笑奪錦句先成一時傳爲盛事不數  
年天孫與瑤瑟相繼天隆爲合刻其詩曰畱香草問志  
袁雍簡妻李氏名大純字貞君又莊學思妻全氏名少光  
字如玉吳岳生妻朱氏名德璉皆能詩問志

高鏐妻曹氏二十五歲夫亡罄簪珥以完喪葬有匪人謀  
奪其志截髮毀容誓以必死姑五旬而瞽八旬而歿奉之  
不失其歡子瀛舉嘉靖三十四年鄉試上其事旌之問志

葛挺英妻何氏年二十四而寡遺孤茂原甫四歲誓死守節涕泣授茂原遺書茂原年十二爲諸生事母極孝謹葬二親於舍旁旦夕必肅衣冠而拜人稱葛孝子

聞志

李承家妻謝氏父汝儀官江西按察使承家病目盲氏兄弟議將改字氏曰吾但知父母以吾字李卒歸李夫婦相處怡然越十二年而承家沒奉姑立嗣年六十三卒有司

奏旌其門

聞志

湯一儻妻范氏夫亡守志知縣王章題其室曰共姜嬈美

聞志

沈光僑妻謝氏年十六從母避亂天台道遇土賊掠其資謝懼賊侵已臨溪而立示將溺焉賊欲得其金獨亟取而

投之溪曰吾物寧付清流豈爲賊手汚乎年二十二歸沈未幾沈病死謝以死自誓有舉人某慕其色遣媒議婚謝手裂媒衣罵而唾之卽日冒風雨奔哭夫墓比歸大呼心

痛嘔血死

浙江通志

王燾妻周氏生二子而燾亡氏年二十九遺腹又舉一男日夕紡績奉舅姑教育諸孤年九十三卒其子亦以孝聞

曹志

張邦彥妻林氏邦彥卒氏年二十六無子孝養舅姑不怠

遇邦彥忌日雖年遠恆慟哭盡哀

嘉靖志

蔣鐸妻周氏年二十五而寡冰霜自勵垂五十年嘉靖中

旌表

周志

毛某妻傅氏臨江守箴冢婦也年二十二夫亡遺一女砥

節四十餘年其族有文盛妻倪氏鼎妻童氏立之妻方氏

皆年少守志竝為鄉里所稱開志

李日榮妻朱氏日榮兄弟三人相繼病夭朱與日富妻馬

氏日貴妻胡氏誓同守志各撫其子有成樹坊曰一門三

節浙江通志

倪鏞妻徐氏年未三十而寡家貧停鏞柩廬側久之風雨

壞其柩乃以棉裹骸骨奉諸室中勤女工以育二孤常指

父骸勗其子曰苟得一地以葬先人吾事畢矣萬歷中旌

表年八十三卒沈一貫倪婦墓誌

李生寅繼妻劉氏年二十二而寡撫前子德豐如己出德

豐死又撫其子崧崧死再撫崧子翼曰李門三世得存一

線我志慰矣卒年七十有九

志聞

聞賢臣妻陳氏年二十七而寡子繼泰方五歲族人數侵侮之氏外禦強侮內植藐孤艱苦備嘗知縣沈猶龍題其室曰儒門貞操卒年八十有六冢孫世麒之妻徐氏蚤寡

無子砥志矢節能率大姑之訓

志聞

虞時保妻翁氏時保卒斷指守節力養舅姑植遺孤年八

十三卒

志聞

柯茂夏妻陸氏年十八歸茂夏爲繼室踰年而茂夏卒上

事高堂下撫幼孤備嘗艱苦年七十八卒

志聞

李承嗣繼妻金氏定海衛指揮楠女年二十七承嗣卒朝



夕懸承嗣遺像以課子讀恩遇妾膠鞠其子女無異己出

萬歷間旌表

周志

楊士譽妻徐氏名尙質定海人未歸而士譽卒請臨喪父  
母禁之乃勺水不入口三日父懼遣告其舅遂以衰絰來  
逆夜中侍姑微夫病狀且曰病非朝夕何難一相聞姑曰  
世間如新婦者有幾人而乃以聞已出髮一握曰此爾夫  
手剪者其意似在新婦也氏益慟遂畱不去育從子爲後  
天啟初年六十有餘有司奏旌其里歲給粟帛以終其身

周志

張應麟妻邱氏年二十餘而寡無子夫有二弟方幼辛勤

撫植衣食咸出十指苦節歷數十年

周志

莊九陵妻陳氏未歸而九陵喪明兩家議罷婚氏聞爲不食者屢日卒歸九陵家徒壁立操作勤劬上奉高堂下訓諸子事九陵甚謹每過其前未嘗不起立進食必兩手拱

持

問志

董應豫妻韓氏年二十六而寡子德鈺才六歲貧不舉火恬然安之德鈺嘗得奇疾六載在牀褥一旦霍然起人以爲苦節之報

問志

俞希直妻虞氏希直卒氏年二十四遺腹生一子上奉舅姑下撫遺孤備極艱辛家日

起志

陳桐妻包氏年二十四而寡遺二子皆幼厲志守死足不

出閭姑患瘋疾牀臥十餘年護持周至

問志

黃宗藩妻王氏年二十七而寡奉姑育子年八十一卒其

姒紀氏娣毛氏亦夫亡守志人稱三節

聞志

李春妻徐氏年二十二春卒誓不改節孝養舅姑教育孤

子卒年八十有四

聞志

李德久妻徐氏名閨玉年二十歸李三月而夫亡守節五

十餘年有司歲給粟帛終其身

李氏譜

倪元忠妻俞氏定海人年二十六而夫亡事姑孝撫二孤

成立年六十九卒

倪氏家乘

朱孝女名可山兩弟皆早世誓終身不字以養父母父母

沒營葬於所居屋前自為生壙於其側精女紅積針黹所

獲金買良田四十畝一日邀族中長老曰吾朱氏西鄉望

族而祠堂未建非所以妥先靈也願以所置田爲創造本  
而以所居屋爲祠基遂舉其事卒年六十七

采訪冊

王大用妻夏氏名大賢年二十四大用亡撫從子爲嗣奉  
姑生事死葬備極艱苦卒年八十三女清姑適全元海亦  
二十四而寡能養舅姑卒年六十有八

聞志

汪明德妻翁氏明德卒將鬻產爲殯親屬不許越七日逼  
其改醮已受聘矣氏曰夫肉未寒而適人誠犬彘之不若  
夜自縊家人覺而救之夜靜復潛出投潭水死

聞志

張梗妻葉氏年二十四梗亡無子母勸之嫁不許有己產  
數畝歲饑公家欲鬻以濟急氏一無所吝如黃氏挺之妻  
也亦少寡與葉晨夕相依嘗有盜入其室二婦在幃中覺

之相與起坐以手壓幃聽其竊取不出聲天明家人尤之

曰吾兩寡婦豈與男子格鬪哉區區箱籠何足惜

聞志

莊悌妻楊氏歸莊未幾悌卒遺腹生子鳳彩晨夕織經以

奉舅姑訓鳳彩於學年七十餘卒

聞志

烈婦陳氏適柴某某溺狹斜家貧如洗氏勤女工以支朝

夕絕無怨言夫黨皆無賴謀鬻其二子一女復欲併幼子

與妻別售之陳聞大慟峻拒者再終不悛一夕繫幼子於

腰抱石投水死

聞志

屠印姑者觀察倬之女孫也適陸氏子淫酗無行罄其產

負諸博徒錢將以印姑爲質令嬖奴挑之以死力拒陸氏

子怒操巨槌擊之體遍傷扁別室十四日父聞往視印姑

已垂絕泣曰兒分應死者四冬月單衣破盡應死絕粒旬日應死餓而天其腹胎應死其四者非兒所宜言大人當自廉得其狀言訖與始印姑被擊時或勸訴於其父曰吾所以忍苦受辱者庶幾望夫悔改耳

屠隆屠印姑傳

陳宏憲妻邱氏姑范嫠而善病宏憲業醫每日出爲人治病入而侍母往返僕僕不給氏曰養姑吾當獨任無煩夫子自是范病二十年未嘗一日去左右范嘗謂宏憲曰此二十年者苦汝婦矣族祖后圃之裔流落氏收養之爲娶婦后圃由此不絕

黃宗羲陳母傳

錢啟忠妻高氏仁和人啟忠督學山東方入境有饑寇數萬猝至擁馬首不得前啟忠方病高捧勅示之曰去年東

省饑我公疏畱漕粟賑活汝數十萬人可忘之耶言未既

羣寇羅拜曰微夫人言幾賊我恩主即散去李之芳撰墓誌啟忠

妾葉氏別居九江啟忠卒於家葉年二十一僕告曰主人

死盍以此田宅贄一顯者葉怒而逐之裂麻為衣以待訃

每棄田宅歸鄆守志終身曹志

屠惟曾妻邵氏惟曾生而駿居濱大江墮江死氏以失護

為己罪欲以身殉其姑屢諭之乃止奉姑立嗣自二十四

歲喪夫至七十八而卒屠陸屠節婦傳

唐世賓妻朱氏世賓卒年二十七家貧誓死守志鞠遺孤

有成卒年七十八曹志

朱汝修妻桑氏年二十八汝修卒二子俱幼遺腹復得一

子家貧甚矢志無貳年八十六卒問志

邱承豫妻王氏承豫放舟靈橋遇颶風覆舟不得屍氏奔

號江干欲殉之屍忽浮出時年二十二遺孤纔三歲矢志

堅貞撫子成立卒年七十一問志

張結妻茅氏結蚤死以貞自守卒年九十問志

張良輔妻宋氏歸甫一歲而寡撫育繼子荼苦六十年良

翰妻吳氏亦早寡矢志育孤人稱一門雙節問志

聞守勳妻李氏守勳卒遺腹生子瑋守志撫孤歷五十餘

年問志

陸蕙妻邵氏年二十四夫亡知母家欲嫁之遂不歸寧食

貧撫孤卒年七十具誌事貞



忻應華妻殷氏年十七而寡堅貞自天辛苦植遺孤卒年

七十

聞志

任士登妻阮氏士登死有子甫周歲家貧歸依於父母亡

何父母卒其兄文肇亦早死與嫂方氏早夜勤女紅以度

日同居凡三十餘年兩家子皆成立如同胞也阮卒年八

十有二方卒年六十餘

聞志

楊格妻莊氏格早亡莊矢志靡他課子有成

曹志

范格妻楊氏年十七歸格格容贛州死遺孤億才數歲及

成童卽命往贛覓父骸後家漸裕億以甘旨進未嘗不流

涕

曹志

徐家麒妻范氏年二十五生子劼四歲而家麒死奉姑畜

子闈範肅然年七十餘卒

曹志

劉氏適定海林鼎新頗涉史籍嘗摹黃庭數十本明季兵亂與其姪李氏以死相誓一日書黃庭尾云生有命死有命生兮妾身危死兮妾心定俄傳亂兵至二氏各繫帛自勒鼎新兄弟急解之李已不可救劉甦謂鼎新曰一死一生人謂我何遂絕

聞志

陳良謨妾時氏揚州人良謨官京師未有子時年十六納爲側室三歲闖賊陷京師良謨曰吾且死汝幸任身急歸父母家時泣曰公殉國妾不當殉公耶且一婦人躑躅鋒刃間倘不幸有他不如無子請先死因更易簪珥裳服終易烏烏純素良謨曰遭君父之變面赤烏非禮也我爲汝

墨之墨之乃就縊良謨俟其氣盡而縊順治初贈孺人與

良謨合祀

明史參  
聞志

楊文瓚妻張氏名玉如仁和人能詩文瓚爲魯王侍御從  
入閩張在仁和聞之督兵火歸鄞未幾文瓚與弟樵官文  
琦同死國難張持針線紉文瓚首歿畢哭旣而曰郎死忠  
分也何哭爲然不可以無傳因托宗人德周故高唐州守  
者爲諫德周遂巡未撰張乃自書帛曰郎無愧於君妾無  
愧於夫卽以帛自縊文琦妻沈氏聞張死嘆曰後之哉家  
人止之沈曰昔有姊妹逢難姊不辱而妹畏死者今將以  
我爲畏死之妹耶縊於文琦柩旁

明史參全祖  
望雙烈傳

華夏妻陸氏名玉辰夏爲魯王檢討死國難妻當徙邊或

告陸陸指其子儼思曰此藐孤安托夏友林時躍者應聲  
攜以歸次日告者復視陸陸尙春曰老姑在不獲終事矣  
以此充數日糧耳春畢結幌於梁引頸就縊身肥重幌絕  
時炎暑流汗浹衣乃坐而搖扇謂家人曰予且一涼尋復

結幌而盡

明史參周容烈女傳

屠獻宸妻朱氏獻宸爲魯王駕部同楊文瓚文琦華夏死  
國難楊華妻皆殉之有司防朱氏俱死遣婦人伴之甚嚴  
朱不得聞陽爲歡笑且時時誚三婦之徒自苦也數日防  
者懈因謂之曰我將一浴汝儕可暫屏遂闔戶自盡時與  
楊文瓚妻張氏文琦妻沈氏華夏妻陸氏稱甬上國烈婦

明史參林時對烈女傳

董志寧妻羅氏寧殉滄洲難羅氏托二子士駿士驥於其

僕文周攜匿高字泰家卽仰藥卒

林時對  
烈婦傳

莊元辰女工詩歸周在魚在魚中右科進士官裨將元辰

女嘗有寄外詩云遠人渺渺客天涯寂寂園亭斷葛瓜愁

思渾如百結縷衰頤早點六飛花兒童長大衣衫短門戶

零丁賦稅加賤妾縱能甘糞粥也難無米竟炊沙

續者  
舊集

魯王元妃陳氏小江里人王次會稽時入宮後航海其臣

護宮眷期會於舟山張妃舟爲亂兵擁去妃在副舟急前

乃免王已入閩遂達長垣相見流涕進冊元妃及王還舟

山

大兵抵城下其臣將分兵先送魯宮眷逸元妃傳諭辭曰

將軍意良厚然嚙灘鯨背間或為奸人所賣則張妃之續  
矣城陷整簪服北面拜謝投井死全祖望舟山官井碑文

國朝

李銓妻何氏年十九夫亡前妻子景濂甫六歲攜之塚間  
風雪中負土築墳哭聲出林樾苦志五十餘年順治九年

題

旌浙江通志

陳久祥妻趙氏夫亡遺孤甫十月守節四十一年康熙十

年題

旌閩志

蔣爾堦妻費氏夫亡遺孤甫四歲課督俾成立康熙二十

七年題

旌浙江通志

胡文翬妻應氏夫亡撫從子為嗣操凜冰蘖康熙三十五

鄭縣志

卷十九 列女

七

年 題 趙 通志

姚世珪妻章氏世珪客死撫子成人舅姑歿喪祭盡禮康

熙三十七年題 旌 浙江通志

黃槐泰妻張氏夫亡辛勤撫孤歷數十年康熙二十九年

題 旌 浙江通志

范佩賢妻董氏夫亡子甫四月誓死不移撫孤成立康熙

四十五年題 旌 浙江通志

宣自益妻陸氏自益早卒事老撫幼兩盡勤劬康熙六十

年題 旌 浙江通志

袁學詩妻趙氏年二十六夫亡矢節不渝子與婦相繼天

氏又撫育諸孫嚴督課之孫時中成進士 聞志

余應蛟妻孫氏年二十六夫亡誓死不再適鄉人聞之官

月給米五斗贍之

聞志

繆明城妻陳氏夫死守節六十年子世選妻余氏亦早寡

姑婦伶仃茹苦恆至絕食海道王爾祿助以銀米爲蠲其

役陳年七十八余年八十卒

聞志

陸炳衡妻俞氏年二十五夫亡身老孤幼勤紡織爲事朝

夕或不繼族人寶爲給田資之

聞志

楊大澄妻王氏年二十一夫亡遺腹產一男鞠育備至年

七十五卒

聞志

邱某妻李氏名文玉鄴嗣之女弟也少通文墨有閨秀之

稱邱就試台州溺於江文玉走江干呼號三日夜得夫屍



立從子後其夫乃入山薙髮爲沙門戒行精嚴足跡不出

門闕

曹志參  
采訪

盧文英妻汪氏年少守節與李文玉同居戒珠菴長齋繡  
佛精修梵行老病家人迎之歸歿與文英合葬

盧氏  
家乘

李開妻丁氏名性覺年十九歸開開游京師丁操作拮据  
以奉舅姑舅姑喜餼新菜羹一日雪深三尺侵晨踏冰挑

菜中寒成疾而沒

三補者  
舊詩傳

聞世麟妻葉氏嘗以讀好書說好話做好人行好事四語  
訓其子性道性道妻韓氏亦以賢聲著

聞  
志

陳象新妻周氏娣亡其叔誓不再娶氏爲撫其周歲兒旣  
長游庠未娶而天叔將立象新子爲後氏陰與象新謀爲

叔聘及昏期叔始覺屬親朋共勸成之叔竟有子志聞

徐友傑妻唐氏年二十七夫死矢志守節課子有成年七

十七曹志

王國彩妻張氏早寡紡織以給訓子有成年七十三卒志聞

李丁虔妻殷氏進士宗輔女孫丁虔死無子孝事舅姑積

年哭泣雙目生翳志聞

董名世妻邱氏姑病醫藥不愈割股以進到瘡不治流血

而死志聞

柯茂景妻陳氏年二十夫亡事姑撫幼四十餘年卒志聞

徐胃鏞妻張氏夫死保孤持家歷二十餘年卒志聞

張樾妻陳氏名德安年二十四而寡其弟謀奪其志忿而

擊之孝親訓孤歷二十餘年卒

開志

徐嗣秀妻陳氏年二十三夫亡守節撫所後子鬻簪典衣

供師授讀卒有成立年八十卒

具呈事實

錢某妻陳氏順治十六年海寇入東鄉欲污之不從以刀

脅之堅拒罵詈賊刺其腹死

浙江通志

樂元會妻陳氏年二十二而寡娶子婦郭氏海寇掠境與

郭乘舟而避遇賊姑婦俱投水死

浙江通志

趙文炳妻陳氏海寇入東鄉氏攜老母幼子避難遇賊欲

污之大罵賊斷其一臂遂赴水死

浙江通志

應氏東鄉西也海寇至避村廟中有卒入欲污之挽之不

動卒怒同伴婦恐見害勸之就佯諾卒喜稍縱之遂逸出

將投井復持逼之終號泣不從卒怒亂斫之死年十八

浙江

通志

趙宗元妻呂氏海寇入東鄉抱一女奉姑避難舟行數里

遇寇欲污之投其姑於水氏遂赴水同溺死

浙江通志

王朝幹妻李氏名德貞海寇犯東鄉對其姑泣曰賊勢猖

獷難保無虞抱幼子赴水死寇退撈屍不得夫夢氏曰妾

恐污觸神祇聊借柳陰以蔽體詰旦如言以往果得之時

值溽暑顏色不變

曹志

邱子鼎妻薛氏夫亡子克承周晬其姑慮幼孫不可保更

擇從子旻為後娶陳氏生一子克茂而旻亦卒娣娣竝年

少誓撫二孤時海氛未靖薛嘗以小刃隨身語陳曰備之

不幸可免辱也年四十三卒後克承請旌以年未合例僅  
旌陳氏克承乃以所給貲作三節祠并其祖母合祀焉

梁鄭

三節祠記

殷仲會妻范氏順治己亥五月海寇掠東鄉走避不及寇  
止之詈寇爲所殺逾三日仲會收其尸於田間時酷暑面

如生兩手握裙帶不可解

范筆山殷烈婦傳

錢美恭妻徐氏美恭父士驢官雲南嵩明州卒於任值道  
梗美恭辭母凡六年始得其父骨歸家赤貧徐氏自美恭  
出竭蹶奉姑甚謹未幾美恭卒子幼撫之長娶婦周氏年  
十九生一子夫亦卒姑媳皆以織紉爲生計撫孤孫督學

馬裕書其門曰孝子節婦世家

錢退山在茲錄

王家璣妻徐氏與王家銓妻陳氏娣姒也家罹疫璣銓一時竝亡徐年二十四陳年二十其姑以二人年俱少慮不終徐乃謂陳曰吾幸舉二子其一可後叔父汝其撫諸從一以終婦道也陳然之相與黽勉持家左右其姑姑卒而子俱成立康熙五十七年邑令何鉞題其門曰貞節可風

具呈事實

周天輝妻徐氏名引夫歿家貧矢志不二有豪奴聞其色挾重資來聘家人方與較聘資而婦已潛於樓上自縊矣

曹志

丁鄧南妻楊氏年二十四而寡矢志撫孤卒年九十子承

元早世婦楊氏奉姑撫子節操如其姑曹志

金柔嘉字靜芳嫁同邑陳某雅善詩文而深自斂藏晚年里黨始稍稍知之其端陽避亂病中詩有平時自有持身法清夜何須點臂砂之句聞志

朱欽妾劉氏名璧字崑白閩人善繪蘭瀟灑無脂粉氣亦

能詩續者舊集

全祖望題劉璧畫蘭詩深柳堂中彥蕭疎最絕塵苦心  
啖薇蕨高致鬆筠一束虱鬚筆數枝閩嶠春王香不

著地郎主亦傷神

朱廷鑣妻李氏名允清字蓮舫九歲時嘗割股以療母病

博涉書史能詩文子婦董氏亦知書聞志

曾士進妻陳氏夫亡無子以兄子為後事舅姑養生送死

皆盡禮聞志

齊天民妻張氏天民病革謂氏曰守節汝分內事必教子使傳家學乃成吾志會兵荒織紝不繼茹及草木課子愈嚴子已成人游庠矣有獻於庭雖蔬果必究所自曹志周容妻金氏名述字友之性孝能詩甫生女而遇寇亂姑念婦在牀不忍獨避迷恐累其姑作素羅歌遂以羅自縊

浙江通志

素羅歌素羅素羅兮嫁時藏病遭兵變兮伴我亡有女甫生兮累汝父吾潔吾身兮尋亡親而徜徉

包萬善妻孫氏夫死遺孤六歲矢節撫孤成立雍正四年

題 浙江通志 旌

陳肇璿妻吳氏夫亡遺腹生一子守節撫之雍正五年題

旌 浙江通志



洪碩卿妻韓氏夫亡奉姑育子苦節數十年雍正五年題

旌浙江通志

李應鳳妻顧氏應鳳亡遺孤在襁褓氏毀容歛跡育之有

成雍正六年題

旌浙江通志

謝為棠妻胡氏為棠亡遺腹產一男彌月死立繼撫之以

奉烝嘗年六十餘卒雍正六年題

旌浙江通志

錢文祥妻曾氏夫亡家徒壁立紡織易粟以奉姑育諸子

守節三十二年雍正八年題

旌浙江通志

李世釐妻水氏年十八歸世釐世釐病已篤彌月卒氏奉

事舅姑立從子為後守節三十七年雍正八年題

旌浙江通志

志

胡永孜妻汪氏夫亡孝事舅姑立從子為嗣撫之成立守

節三十八年雍正八年題 旌 浙江通志

金錫祥妻徐氏夫亡年二十七欲殉之其姑哭曰婦死孫

誰依且我雙目俱廢誰為倚乎乃不死守節四十五年雍

正八年題 旌 浙江通志

王士驪妻余氏夫亡遺孤周歲氏奉姑教子守節三十八

年雍正九年題 旌 浙江通志

黃廷銘妻錢氏年二十五而寡撫子守節二十六年雍正

十一年題 旌 浙江通志

潘朝珣妻張氏年二十二而寡事繼姑得其歡心課子人

瑞讀書登鄉薦經史多其口授雍正十一年題 旌 浙江通志

沈鼎粹妻毛氏夫亡子孤姑患目疾氏善事之與姑寢處

不離者二十年雍正十二年題 旌表

冊

崔占五妻戴氏夫亡撫教遺孤為之娶婦生二孫而子死

偕其婦共撫之俱有成立守節五十四年雍正十二年題

旌表

冊

董元毅妻謝氏事舅姑孝謹夫亡未踰月而姑病湯藥必

親嘗歿則盡哀盡禮教子嚴肅守節二十五年雍正十二

年題 旌表

冊

董允霆妻張氏年二十五夫亡事姑甚孝守節二十六年

雍正十二年題 旌表

冊

史起昊妻施氏起昊容死有所親媪來弔附耳語曰須自

爲計施大慟揮斥之卒撫其孤有成子大宿妻管氏年二  
十五生子在甲大宿卒管撫孤勵節如其姑在甲成進士

浙江  
通志

錢肅遜妻鮑氏甫納采而肅遜隨其兄播遷無生還理父  
母欲改字之鬻臂出血誓以死守比歸得諧伉儷年已二  
十六矣肅遜挈家寄食崑山病卒子身扶柩歸負土葬於

舅墓之旁

浙江  
通志

陳昌祚妻施氏昌襪妻包氏娣姒也施年二十五而寡子  
倍甫三歲包年二十七而寡子峽甫五歲姑老喪明二婦

奉姑撫孤俯仰交瘁人稱雙節

浙江  
通志

楊秉愴妻唐氏年二十七夫亡撫孤守節孫式孟妻程氏

亦以二十五歲守志撫孤人稱楊氏二節

浙江通志

黃奕懌妻袁氏守節撫孤以饑餓死

浙江通志

錢傳恭妻傅氏傳恭患疽半載氏吮啞不少怠死之日擗

踊而絕救之甦早暮哭泣卒以哀死

浙江通志

郭文蛟妻殷氏始婚之日文蛟已病劇不能成禮次日卒

殷甫年十九或勸其改適泣曰吾既入郭門即郭婦也守

志終身

浙江通志

郭文龍妻王氏夫亡撫孤成立卒年六十八

曹志

陳泰交妻李氏年二十一而寡孝事舅姑撫繼子成立年

七十七卒

曹志

董應達妻周氏年二十而寡上奉舅姑下撫二孤歷四十

年曹志

黃鼎新妻董氏夫亡矢志撫孤歷五十年曹志

李蓋妻仇氏年十九而寡守節撫孤才成人而天歷盡艱

險不渝其志曹志

邱鴻聲妻薛氏鴻聲早孤母汪守節鴻聲卒氏年二十四

奉姑立嗣志不少懈曹志

洪朝儁妻滕氏夫亡年二十四撫孤成立卒年七十六曹志

沈安臣妻管氏夫亡守節子覺先以瞽學星平言亦能事

其母曹志

管麟妻董氏歸匝月而麟病五閱月死號慟不已遂不起

年二十二葛世振管貞婦傳

鄆縣志 卷十九 列女

茅驥妻張氏年二十而寡遺孤獻廷生才六月舅姑皆衰  
邁張矢節忍苦以養鹹自給而堂上甘旨未嘗有缺曹志

余長宏妻張氏夫亡矢志撫孤祖祠爲營弁所據力爭於  
營將曰人孰無祖宗忍使子孫無瞻拜地耶營將義而直  
之曹志

聞卽山妻管氏夫死守節四十二年曹志

聞肇平妻陸氏守節五十一年曹志

孫毓芝妻謝氏年二十四而寡立族子爲後毓芝父母暨  
大母兩世在堂躬勤奉侍得其歡心曹志

陳景鵠妻董氏景鵠本歙人行巖於寧病亡生計蕭索姑  
老在堂衣食或不給守志無二曹志

馬天駿妻王氏年二十而寡撫前妻子女如己出家貧茹

蔬食糲週祭祀賓客拮据無少吝

曹志

陸顛妻李氏家貧躬紡績以課遺孤年八十卒

曹志

章友梅妻任氏姑病刲股肉以進有司給米周之

曹志

董允翀女元真十歲父母竝亡依伯父以長許字沈大詩

大詩客死長安時女年十八欲往沈守喪或告以大詩弟

大訓尙未有室乃止後勸之更字者卽截髮自誓大訓亦

死無後女由是得心疾大詩有從兄弟二人客京邸許以

櫬歸又相繼死返葬無期遂沉痼不起

浙江通志

任貞女許字袁宏泰宏泰亡父母欲改字女剪髮投縗絕

而復甦服喪三年畢設供哭奠悲不自勝越三日而歿年



二十二與宏泰合葬焉

浙江通志

俞貞女許字吳佳木佳木隨父尉粵中父為先娶粵姬後  
 佳木歸欲申前約女父憤其別娶也與之絕將直之官女  
 聞之密告嫂曰吳氏子固不義然余終不可他適覘吾父  
 意已決勢必構訟奈何以清白名掛案牘且奚忍垂白老  
 親因余故匍匐公庭辯曲直哉是夜闔戶自縊雙桐齋集  
 陳兆祥妻朱氏歸陳二年氏年二十兆祥卒翁以哭子成  
 疾朱日焚香禱神忽有小刀從空墮几上朱曰吾正思剗  
 股以療翁疾此殆天意也遂剗股和藥以進翁疾旋愈遺  
 腹生一男鄉鄰以節孝稱之其孫懷玉亦以割股療父病

陳鴻倚  
采訪

陳有齡妻張氏年十七而嫁時有齡已病瘵力疾成禮踰

月病亟張目語其兄曰彼尙處子可善遣也及卒宗親畢

集張請爲夫立後守節二十餘年繼子以狂疾死一孫又

死熒熒無倚年七十九卒族人醵金殮之

陳鴻儔采訪

董元中妻周氏年十八適董半年而夫亡有遺腹子撫之

成立學政帥念祖有崑岡幽畹之獎

范未祺采訪

王貴獻妻錢氏夫亡年二十八事舅姑孝教子有成戚黨

罕見其面守節三十九年

乾隆元年旌表冊

舒再芬妻陳氏夫病篤操利刃割左股肉血流滿地命幾

絕姑覺往救得蘇作羹以進終莫救家貧躬織紝以教養

其孤有司獎之

浙江通志

楊承祖妻沈

沈氏年二十四夫亡遺二子姑喪明氏事

作馬氏年二十四夫亡遺二子姑喪明氏事

上育下人稱節孝卒年八十六

范琬友妻徐氏夫亡撫子子亦早亡撫孫成立

蒲文貴妻陳氏

以上四人俱乾隆二年旌表冊

案題旌節婦俱應詳載始末今據縣禮房存冊但

列姓氏而略事實或當時具呈儷語則青年白首

茹蘖含冰一例相仍無可別錄故惟照歲月有據

及其子孫現有具呈事實與他書可考者詳之餘

姑存姓氏而已

秦憲學妻蔣氏夫歿於甬東客舍扶柩渡江風大作有檣

小舟招之者曰亟易舟人可掾柩不可掾也蔣大慟曰吾

寧同葬魚腹不忍舍柩獨生也俄而風止小舟忽不見人皆異之先壟爲勢家所奪告諸有司得復其舊撫四歲孤

成立年七十三卒

具呈事實

周光旦妻馬氏年二十一夫亡無子其弟光宣妻水氏年二十四夫亡遺一子以爲光旦後復撫從子爲光宣後守

節各三十餘年

具呈事實

顧瑞臣妻汪氏年二十一夫亡遺孤世榮三歲家貧族人以氏年少且思獲重聘計以饑寒動氏之母家勸改適有成說矣將夜強娶之氏引刀自誓乃止自此絕不至闕外訓子成家守節五十餘年孫英璋曾孫奇勳皆中武鄉舉

顧氏家  
諸傳

陳兆麟妻鄭氏年二十三夫亡家貧以女紅自給撫孤年

七十四卒

具呈事實

袁士成妻傅氏夫亡撫孤守節四十年

陳鑿轍妻黃氏

尹肇商妻汪氏年二十二夫亡事姑撫子卒年七十八

李麟佩妻徐氏

方耀文妻章氏

呂雲明妻周氏

陳文輝妻翁氏年二十夫亡守節卒年七十一

李世元

一作光

妻王氏

毛嗣周妻包氏

盧兆昱妻俞氏

項錫妻黃氏

以上十二人乾隆三年旌表冊

費國棟妻胡氏

李愛球妻繆氏適李未踰月夫亡撫遺腹子成立卒年五十餘

胡起蟠妻陳氏

李愛玉妻江氏夫亡守節撫子子亡復撫孫卒年七十餘  
張明玉妻黃氏年二十一夫亡守節事舅姑撫子成立卒年五十六

施功惠妻周氏

周應曾妻張氏

董明親妻郭氏

俞僑妻毛氏

谷簡臣妻高氏

黃端妻陸氏

潘光榮妻楊氏

潘光捷妻陳氏

陳基妻徐氏

以上十四人乾隆四年旌表冊

范永謨繼妻朱氏通州州判旭之女年二十一歸永謨南

七月永謨卒無子事姑盡婦道撫所後子坊坊為磁州州

判卒又撫幼孫成立年七十二卒

具呈事實

江守正妻汪氏夫亡年二十七守節三十一年

李昌授妻范氏年二十五夫亡遺腹生一子恭安守節五十餘年卒年八十

周遵三妻李氏年二十歸遵三遵三病氣將絕李卽引繩自經家人救之遵三亦甦呼李至手指其子而卒李遂矢志撫孤未幾子殤又撫所後子守節六十餘年

具呈事實

李旭杲妻呂氏

王貴振妻李氏

潘升溟妻張氏

范佩武妻楊氏

黃之仁妻周氏

張偉三妻徐氏



徐美相妻陳氏

孫時中妻朱氏

以上十二人乾隆五年旌表冊

李朝儒妻尹氏年二十歸朝儒數月夫亡遺腹生男撫之

成立子亡又撫其孫年七十八卒

張起鳳妻周氏

李思杰妻項氏

傅錫鉞妻林氏年二十三夫亡守節

吳世瑚妻余氏適吳半載夫亡守節

樂遜銳妻鍾氏

鮑承哉妻閻氏

俞世卿妻馬氏

湯廷茂妻周氏歸湯三月夫亡守節三十年

錢懿綱妻周氏

鄭學夏妻何氏

張世貴妻王氏

以上十三人乾隆六年旌表冊

盧兆智妻胡氏年二十二夫亡事姑撫嗣子卒年七十七

水大顯妻毛氏年二十五夫亡守節

張瀛客妻樓氏

鄭木賢妻沈氏

蔣霽妻蕭氏

范鑄妻李氏

施廷梓妻吳氏

林啟才妻邵氏

鮑廷清妻鍾氏

朱增善妻周氏

戚文才妻李氏

以上十人乾隆七年旌表冊

洪明任妻張氏夫亡守節三十年

張士選妻陳氏

陳元肇妻倪氏

沈越千妻劉氏

陳泰爵妻葉氏

李斐章妻戴氏

陳士俊妻舒氏

陳祐妻唐氏

孫廷顯妻聞氏

徐元士妻李氏

趙周京妻胡氏

陸本沿妻盛氏

以上十二年  
二人乾隆  
旌表冊

陳振玉妻黃氏夫亡奉姑撫孤守節終身

湯烈妻袁氏夫亡撫棺號慟入戶自縊死

陳之和妻余氏年二十一夫亡無子誓以身殉絕食五日

翁慟曰汝姑已死汝又死吾填溝壑矣氏乃勉治家事恩

撫繼子事翁盡孝

具呈  
事實

趙濂妻屠氏

張圖安妻鮑氏

蒲應文妻震

以上六人乾隆九年旌表冊

李二姑許字陳涵琳年十四涵林卒矢志不嫁往事舅姑

曲盡婦道鄉人稱其貞孝

具呈事實

范聖生妻張氏

秦錫漢妻閻氏

朱善寶妻陳氏

邱鼎治妻朱氏

董明儒妻忻氏

鍾允芳妻谷氏

徐子麟妻陳氏

以上八人乾隆十年旌表冊

張取新妻汪氏

傅尙謙妻李氏

朱士奇妻沈氏

孫藝妻董氏

胡宗相妻孫氏

李敬儀妻胡氏

以上六人乾隆十一年旌表附

李世益妻蔡氏年二十八夫亡守節

聞華章妻朱氏

錢美圭妻鮑氏

錢國定妻金氏

應德峻妻徐氏

張守元妻王氏

應統成妻殷氏

毛忠蓋妻柳氏

王揆妻陸氏

以上九人乾隆十二年旌表冊

嚴立綱妻張氏年二十四夫亡矢志守節事翁以孝聞卒

年六十九

張尙珍妻范氏年二十八夫亡守節三十餘年

樓慶雲妻周氏

周雲華妻金氏

朱彪妻柴氏

韓繼梅妻曹氏

以上六人乾隆十三年旌表冊

張錫玠妻蔣氏知府兆龍之女好讀書能詩年二十六夫亡撫從子爲後事姑盡孝

張行已妻邵氏年二十四夫亡遺一子殤乃撫所後子教

之成立督學馬豫有勵節成宗之獎卒年六十四

具呈事實

戴貞女許字陳緒煌已納幣緒煌病瘵女聞之請於母爲送茶送茶者鄞俗女未過門或舅姑病則以此往候之也母不可固請乃命其弟同行至卽遣弟歸報母曰陳郎在旦暮矣將無人事其母吾陳氏婦也不返矣未幾緒煌卒自是依其姑起居緒煌有兒不能治生以女精刺繡得給姑甘脆十餘年姑卒乃請於宗老曰吾初將立後以姑在恐力食不能撫故遲之今可以立矣久之爲子納婦攜之



祭緒煌墓以告之卒年六十三

蔣學鏞撰傳

楊式林妻陳氏

林一通妻孫氏

李德昌妻王氏

李世則妻徐氏

張國金妻凌氏

洪振宇妻萬氏

孫美生妻王氏

毛忠楨妻馬氏

劉珍良妻陳氏

陳僑妻顧氏

周志珮妻姜氏

周一作馬

殷時高妻柴氏

以上十四人乾隆十四年旌表冊

陳起岳妻黃氏

鄭榮期妻崔氏

夏廷武妻張氏

王錫九妻余氏

林名遠妻楊氏

方金侯妻徐氏

董顯宗妻邱氏

余朝保妻鄭氏

高永義妻潘氏

以上九人乾隆十五年旌表冊

李懋經妻張氏

戎之發妻忻氏夫亡年十九事姑撫子守節以上二人乾隆十六年

旌表冊

董至妻張氏

王之培妻李氏

曹志德妻邱氏

陳道源妻王氏以上四人乾隆十七年旌表冊

張吉隆妻金氏乾隆十八年旌表冊

萬敷前妻傅氏慈谿人員承勳官磁州敷前夫婦俱隨侍敷前卒遺二子相繼殤傅懼傷舅心常慟哭於它所舅卒於官家無丁男附身附棺之物皆傅庀具扶襯歸葬以敷

前從祖昆弟之子在茲爲後撫視甚謹傾貲營葬三世置祭田以奉烝嘗年八十二卒行述

王日燭妻厲氏年十六歸日燭期年夫歿無子族人利其產百計令改適厲峻拒之立從子鳴臯爲後鳴臯早歿妻侯氏亦撫孤守志鄰家嘗失火延及其居姑婦仰天號跪告曰一念不可對天願與俱焚俄風反火熄衣物有遺失者人相戒曰節婦物匿之不祥或得者亦還之咸以爲雙節所感云姜炳璋雙節傳

范永清妻宋氏年二十八夫亡撫三歲孤成立守節終身

以上三人乾隆十九年旌表冊

王聖美妻周氏夫亡守節二十八年

俞南徵妻王氏夫亡守節二十七年以上二人乾隆二十年旌表冊

王鳴臯妻侯氏夫亡守節三十三年傳附王日孀妻下

陳自得妻林氏

朱富公妻徐氏夫亡守節三十五年

毛錦柱妻傅氏夫亡守節二十八年

陳平窩妻呂氏

陳廷暄妻盛氏以上六人乾隆二十一年旌表冊

蔣世鼎妻朱氏夫亡守節三十三年

邱孔思妻王氏以上二人乾隆二十二年旌表冊

戴仁則妻倪氏少以孝女稱歸仁則舉一子淦未幾仁則

亡氏年二十一家貧甚有時與子以薄粥度日而奉舅姑

者甘旨無缺舅姑卒喪葬禮克具教子就學皆藉女紅以成其事自仁則亡後蓋未嘗一與親族妯娌晏會未嘗隨俗拜佛入菴寺未嘗與三姑六婆面通一語也淦以壬午副貢任泰順教諭氏年八十餘受其養而視聽不衰步履如常人皆謂節孝之報云

倪象占戴節母壽序畧

袁宏益妻徐氏揚州人宏益知嘉定縣時娶之未幾宏益卒徐年十七矢志終身

具呈事實

任秉彝妻湯氏

俞麒妻戎氏

以上四人乾隆二十三年旌表冊

周嘉桂繼妻胡氏年二十六夫亡無子撫前氏子成立卒

年七十二

王錫乾妻鄭氏

任光顯妻吳氏

任廷齋妻王氏

孫宇美妻張氏夫亡守節二十八年

孫調美妻陳氏

以上六人乾隆二十四年旌表冊

洪遠妻范氏夫亡守節三十年

乾隆二十五年旌表冊

陳德峻妻邵氏夫亡守節三十四年

乾隆二十六年旌表冊

徐芬妻王氏夫亡守節三十一年

乾隆二十七年旌表冊

李調楷妻陳氏年二十三夫亡矢志守節撫遺腹子成立

卒年五十八

朱禹聞妻呂氏

朱廷基妻楊氏

陳士相妻董氏

錢鼎鎔妻范氏夫亡守節二十七年以上五人乾隆二十八年旌表冊

竺元瑾妻楊氏

姚瀚妻魏氏夫亡守節三十四年以上二人乾隆二十九年旌表冊

韓錫祉妻陳氏年二十夫亡絕粒不食數日姑泣諭之乃

食事姑盡孝安貧守節四十餘年

馮殷重妻張氏

陳德至妻史氏

林德裕妻楊氏以上四人乾隆三十年旌表冊

董允法妻屠氏年二十夫亡矢志守節事舅姑孝喪葬盡



禮

錢文學妻陳氏

程良鍾妻黃氏

張友善妻吳氏

程良鎔妻陳氏

應統道妻王氏

程國杜妻童氏

葛孝敬妻厲氏夫亡守節三十七年

童嗣盛妻繆氏

邵孫奇妻李氏夫亡守節五十六年

陳文鳴妻馮氏

以上五人乾隆三十一年旌表冊

乾隆三十二年旌表冊

以上三人乾隆三十三年旌表冊

徐杏林妻王氏以上三人乾隆三十四年旌表冊

史在挺妻陳氏

柴存銘妻董氏

忻君招妻張氏以上三人乾隆三十五年旌表冊

李兆琰妻朱氏年二十二夫亡撫所後子守節五十年

王國讓妻朱氏

孫敬文妻董氏夫亡守節三十七年

呂天柱妻王氏

孫漢佑妻楊氏

陳欽哉妻杜氏以上六人乾隆三十六年旌表冊

李士善妻陳氏

俞錫九妻周氏

童簫妻朱氏

李調壻妻戴氏

李正智妻鄒氏

以上五人乾隆三十七年旌表冊

陳濟川妻史氏

楊益清妻任氏

夏象求妻張氏

王雲錦妻忻氏

周明章妻袁氏

任承聘妻葉氏

以上六人乾隆三十九年旌表冊

李昌治妻陳氏

張譽永妻范氏

李瑞杲妻俞氏

張燕玉妻方氏

任經妻顧氏

以上五人乾隆四十年旌表冊

陳增陞妻汪氏

陶沐妻王氏

余文德妻顧氏

汪嘉會妻陸氏

石聖千妻鄭氏

李和祥妻王氏

以上六人乾隆四十年旌表冊

呂應鑰妻吳氏歸應鑰數月夫亡有姑喪明氏事之孝撫

所後子守節終身

乾隆四十二年 旌表冊

陳士琦妻周氏蘇州人年二十四夫亡遺一子甫周歲家

貧守節卒年七十八

戴宗海妻楊氏年二十二夫亡守節三十餘年

徐燦如妻黃氏

李調卿妻金氏夫亡守節五十年

王文熾妻湯氏夫亡守節五十一年

以上五人 乾隆四十四年 旌表冊

張埴妻周氏

陳開國妻王氏

陳基妻鄔氏

以上三人 乾隆四十五年 旌表冊

沈爾成妻兪氏年二十一夫亡守節卒年六十六

葉直言妻郭氏夫亡守節四十六年

夏掄魁妻李氏夫亡守節三十一年

以上三人乾隆四十六年旌表冊

李世昌妻王氏夫亡守節三十七年

周志仁妻任氏夫亡守節四十三年

呂天樞妻楊氏

呂沛高妻陳氏夫亡守節三十五年

以上四人乾隆四十七年旌表冊

張聲聞妻程氏夫亡守節三十七年

王忠熹妻陳氏夫亡守節三十五年

戴宗泗妻周氏教諭楷之女年二十一夫亡家貧守節四

十五年

陳貞女許字林生楷年十四生楷亡卽縞服至林氏守節

終身

石廷顛妻項氏夫亡守節四十六年

范永思妻林氏夫亡守節三十三年

全宗祥妻蒲氏夫亡守節四十五年

林仕珪妻俞氏夫亡守節三十六年

以上八人乾隆四十八年旌表冊

孫兆璜妻張氏年二十一夫亡無子撫所後守節三十年

初以貧故有媒者來叩之氏嚙一指以示

具呈事實

朱國珍妻陳氏歸國珍五年夫亡撫孤守節嘗遇鄰失火

至陳居反風年六十餘卒

具呈事實

林炳揚妻蔡氏知文墨歸炳揚一年夫亡氏損面以示志

課子成立

具呈事實

萬益妻董氏夫亡守節三十一年

以上四人乾隆四十九年旌表冊

方廷貴妻邱氏年二十三夫亡遺一女矢志立孤守節卒

年六十六

周永徵妻朱氏年二十夫亡無子撫伯子鴻爲後守節三十二年

林節文妻余氏夫亡守節三十七年

任嘉盛妻鄒氏夫亡守節四十年

林孝先妻鄭氏夫亡守節五十五年

竺之綱妻鄭氏夫亡守節三十六年

包祖訓妻任氏夫亡守節二十三年

孫調渭妻徐氏夫亡守節三十一年



張道茂妻朱氏夫亡守節三十三年

張道貴妻石氏夫亡守節三十五年

以上十人乾隆五十年旌表冊

周永盛妻崔氏年二十二夫亡遺二子鴻鵬撫之守節三十

十年

陳軒妻呂氏夫亡守節三十二年

周義章妻楊氏夫亡守節三十三年

林璋妻戴氏夫亡守節三十七年

陳正則妻史氏夫亡守節三十三年

張濂潔妻余氏夫亡守節三十三年

楊式理妻周氏夫亡守節三十二年

陳廷樞妻湯氏夫亡守節三十四年

以上八人乾隆五十一年旌表冊

包玉貢妻徐氏夫亡守節六十年

盧堂妻董氏夫亡年二十四遺孤鑣方周歲姑多病氏上

事下育克盡道後從鑣之建安典史任卒年七十七具呈專實

董枝均妻柴氏年二十忝撫孤成立守節五十三年

毛豐妻李氏夫亡守節四十四年

董天培妻陸氏夫亡守節四十二年

烏汝杞妻余氏夫亡守節三十五年

馮萃妻王氏夫亡年二十一守節三十二年

馬德成妻蕭氏夫亡守節三十一年

毛忠燦妻洪氏夫亡守節三十一年

竺志玠妻張氏年二十四夫亡守節二十六年卒年五十

柴思慶妻蔡氏年二十三夫亡守節現年六十三

計雅齋妻陳氏年二十四夫亡守節現年六十二

馮文雲妻韓氏年二十夫亡守節現年五十二

張永固妻洪氏年二十二夫亡守節現年五十二

應芳瀆妻王氏年二十夫亡守節現年五十一

張自振妻李氏年二十七夫亡守節現年五十一

以上十六人乾

隆五十二年  
請 旌冊

蔡天石妾陳氏名蕙芳蘇州人能詩畫天石遊幕吳門納之  
之不三年而寡時年二十二誓死不嫁著十孤詩以見志  
因哭夫喪明卒年八十四督學帥念祖表其閭曰松竹雙

清遠水祺

十孤詩序氏系出太邱家居清室追隨蓮慕良人嫁得  
 中郎冷落蘭閨薄命悲同衛女署紅鴛之牒未滿三年  
 歌黃鵠之詞尙矚一死爰賦詩以見志聊假物以抒懷  
 茹蘖飲水竊自附柏舟之作括毫弄墨豈敢誇柳絮之  
 才歸孤雲從來聚散不勝嗟日暮殘雲隴上斜應是舊  
 山歸不得獨留孤影在天涯孤月幾許輕涼透素襟  
 月明庭院夜初深人間莫嘆姮娥寡一片清光照古今  
 孤松亭亭獨立美孤松長向巔崖寄舊踪無數風霜  
 無數雪一生義不受秦封孤竹歷盡冰霜節不磨淚  
 痕多少染湘娥一竿截作高樓笛吹徹陶家黃鵠歌  
 孤螢流螢一點自徘徊雨洗風吹莫漫猜猶憶綠窗人  
 靜後與郎曾照讀書來孤蝶故園春色已無花瘦影  
 匆匆日又斜何惜抱香枝上老向來夢不到隣家孤  
 雁塞外秋高隻影寒空闌愁思正漫漫西風夜月江南  
 路錦瑟從今不弄箏孤燕繫得紅絲一縷新半天疎雨  
 社公春尋巢不逐雙飛侶爲戀堂前舊主人孤燈夜  
 深無語對銀釭細雨疎風冷透牕憑仗餘光耿相照素  
 帷爾得影雙雙孤砧西風颯颯漏沉沉歷落還聽空  
 外音用盡闔中如許孤砧西風颯颯漏沉沉歷落還聽空  
 力更無人寄塞垣深

張鳴暘妻汪氏夫亡守節撫一子成立督學寶光鼎旌其

門曰清逾別鵠張氏家乘

張正潢妻范氏年二十七夫亡無子父母難之氏曰吾正

代吾夫溫清耳立繼撫之守節卒年五十九乾隆二十八

年督學錢維城有截髭高風之獎具呈事實

項錦嵩妻孫氏年二十四夫亡撫子御鴻守節卒年五十

八御鴻亦早卒妻孫氏年二十六無子或勸之改適氏曰

命也且有姑範在藉族中祀用以度日卒年六十六錦嵩

弟錦萼妻陳氏年十六歸錦萼踰八月夫亡撫遺腹大鴻

大鴻亦早卒妻余氏年二十四姑探其意曰舅亡時姑年

比媳少尙守此媳豈有他意耶卒年六十八具呈事實

洪金星妻周氏生二子一女金星為圖光曾孫既亡家益

貧食常不繼或言某家有屨乳婦者盍承之既得食亦可  
藉以活諸孤婦謝曰吾嫠也豈可處嫌疑之地且屈節辱  
先則生不如死矣織作易得米析為餲粥哺二子而自與  
一女食糠麩一日拒戶寢隣人怪其久不起排戶視之則  
婦與一女已僵死矣隣人醵金殮之而二子得存汪國洪節婦傳  
丁紹裕妻施氏二十三夫亡撫遺腹成立卒年八十八具呈

實事

林一彬妻章氏年二十九夫亡守節卒年八十六子之秀  
妻樓氏年二十八夫亡守節卒年五十九具呈  
事實

李承珏妻何氏年二十五夫亡夫兄欲嫁之何務面自誓

撫孤成立卒年八十五

陳鴻傳采訪

鄭遵一繼妻薛氏生一子夫亡家貧守節年八十四卒子

紹賢亦早亡妻陳氏奉姑撫孤苦節五十一年卒年七十

五具呈  
事實

屠可學妻周氏年二十九夫亡家貧撫孤自立饗殮或不

繼未嘗向人假貸年八十三卒范永祺  
采訪

張兆聖妻裴氏夫亡年二十七守節年八十三卒范永祺  
采訪

何承洙妻王氏弟承洙繼妻金氏承洙妻謝氏承洙承洙

相繼卒時金年二十六謝之結褵僅八月未期年承洙亦

卒三人各矢志守節奉舅姑孝婦姒無間言王卒年八十

一金年六十九謝年六十七陳鴻倚  
采訪

孫裕宗妻陳氏夫亡遺一子家貧勤苦守節終身不廢鍼

筦卒年八十

陳鴻儔采訪

張振榮妻俞氏夫亡遺腹生男撫以成立事姑盡婦道

張氏

家乘

倪培緒妻陳氏年二十四夫亡遺孤六歲食貧撫之成立

後其子以例將請表氏不許曰此吾不幸事亦非奇節惟

子孫能讀書揚名以顯之乃所願也卒年七十七

具呈事實

范廷爽妻董氏年二十二廷爽亡遺庶出二孤時姑年七

十二家貧甚氏上事下撫典衣織紉以支之姑壽至九十

六氏守節凡五十四年卒年七十六初有隣婦居婺謂董

曰人生苟得溫飽再醮何害董曰一身而適二夫非人也

且安保更適之後不凍餒乎其婦矍然悔其言亦終身無



他志

范永祺家傳

董懋傳妻周氏年二十九夫亡奉姑撫孤守節四十餘年

卒年七十三

具呈事實

錢惟山妻莊氏年二十一夫亡遺孤四歲食貧撫之卒年

六十九

張承炯采訪

沈世貴妻司氏年二十五夫亡撫孤守節六十餘年

具呈事實

楊顯英妻蔣氏年二十九夫亡無子其夫兄欲奪其志以

死自誓卒年六十七

具呈事實

姜嘉明妻周氏年十九適姜生二子嘉明以疫卒周亦病

強起治喪殮畢入房自縊其兄救之勸以撫孤乃矢志守

節卒年六十三

陳鴻儒采訪

徐光國妻包氏夫亡年二十九守節卒年六十二具呈事實

王象正妻屠氏歸象正象正學不就將改業氏曰學固貧

改業豈即富也未幾亡氏年二十七所居側有園半畝攜

三幼子灌溉取瓜蔬以自給宗親有憐其志者釀錢三十

貫以資之得撫子成立卒年六十具呈事實

陳明睿妻徐氏夫亡年二十九其妾謝氏年二十四誓同

守節歷五十餘年范永祺采訪

蔣大賚妻王氏年二十二夫亡撫孤成立卒年七十六具呈

事實

史善慶妻張氏年二十五夫亡撫遺腹成立具呈事實

李同文妻施氏夫亡孤未周歲撫之成立卒年五十三具呈

事  
實

張霖繼妻童氏年二十四夫亡家貧矢志守節精女紅嘗

以所入之貲為子收書年五十五卒

范永祺  
采訪

董允霽妾任氏年二十三夫亡撫諸子成立守節五十餘

年

具呈  
事實

章文燧妻汪氏夫亡年十九守節卒年五十一

范永祺  
采訪

邵光魁妻孫氏年二十九夫亡守節五十餘年

具呈  
事實

黃大基妻蔡氏夫病割股以進夫亡矢志守節年五十卒

具呈  
事實

毛忠禎妻馬氏年二十五夫亡遺腹子亦殤撫所繼以事

舅姑守節四十餘年

具呈  
事實

范永海妻陳氏夫亡年二十五家貧績麻度日撫孤守節

四十餘年

范永祺采訪

李茂照妻龔氏夫亡遺孤甫五月氏撫之事舅姑克盡道

守節四十餘年

具呈事實

陳殿高妻顧氏年二十四夫亡事舅撫孤守志四十餘年

張承燭采訪

吳德俊妻朱氏年二十六而寡守節四十餘年

范永祺采訪

張用蕃妻洪氏夫亡守節足不踰閩里人稱之

張氏家乘

屠可桂妻徐氏年十九夫亡守節四十餘年

具呈事實

俞瀾妻李氏年二十九夫亡守節四十餘年

具呈事實

徐光前妻王氏年二十三夫亡守節四十年

范永祺采訪

徐大行妻周氏年二十二夫亡撫孤守節四十餘年具呈事實

陳炳繼妻徐氏年二十八夫亡家貧苦志守節四十餘年具呈事實

具呈事實

翁子行妻黃氏年二十九夫亡守節三十九年具呈事實

楊文相妻邵氏年十七夫亡守節三十八年具呈事實

章肇業妻周氏年二十五夫亡撫孤成立守節三十八年

陳鴻倚采訪

周學梅妻金氏夫亡年二十四姑病嘗割股肉啖之病旋

愈撫二子成立守節三十八年范永祺采訪

馮文炳妻周氏年二十四夫亡無子欲殉之自縊赴水瀕

死者再其兄弟苦勸之為立後乃毀容茹素足不踰閩歷

三十四年卒

陳鴻倚采訪

陳清源妻徐氏年二十七夫亡撫孤守節三十餘年

具呈事實

夏倫先妻方氏年二十三而嫁甫一月倫先客亡江西計

至氏折針為誓守節三十六年卒

具呈事實

董際懋妻張氏年二十一夫亡遺二子撫以成立守節三

十餘年

具呈事實

周鐸妻陳氏周鈺妻姜氏初鐸母病癱瘓鐸與鈺侍疾衣

不解帶者二年母卒鐸鈺哀毀成疾月餘俱卒時陳年二

十八姜年二十三絕食將以身殉舅語之曰不撫藐孤是

死我也乃撫子陳守節三十餘年臨終謂子洙曰箱有素

絹須納棺中蓋昔年欲宛頸物也姜撫二子湘江守節亦

三十餘年

具呈事實

朱國祥妻柯氏年二十八夫亡守節三十餘年

具呈事實

吳汝濤妻呂氏年二十七夫亡誓不茹葷守節三十年

具呈

實

任大乾妻孫氏亡夫遺一女家空匱無所依任之族人欲

氏改適氏歸告母及兄曰吾族非人也今願執婢妾役以

庶日可學其兄利分其聘貲復與任族合議已成氏知之

托疾臥值家人上塚乃衣麻衰加經繫苴帶服鹵死

蔣學鏞撰

傳

邵檢討鐸妾陳氏年十六歸鐸踰歲生子洪而鐸卒鐸父

中丞基清廉所遺惟老屋數間基妻王夫人鐸妻孫恭人

俱在堂服食如儒素陳事上撫洪咸有禮法性沉靜慮事以預洪迎養在官陳每省視日用自王夫人孫恭人外不令有加焉洪請益則曰毋忘家教也吾自安之卒年四十七以子貴

誥封恭人

行狀

茅漢侯妻夏氏年十九夫亡撫孤既長遠出不歸氏織蒲自給守節五十餘年

具呈事實

錢列三妻董氏年二十七始嫁嫁二年夫亡依母家刺繡為生卒年六十四

范永祺採訪

祝孝女家西山中父為虎攫去女知之提桔槔柱出要路擊之虎舍之而去乃負父尸歸

范永祺採訪



袁暨南妾陳氏年二十三暨南妻張氏死乃納之六日而  
客遊陳為撫二子依張母家久之聞暨南訃曰願終之卒

年五十六

范未祺采訪

錢鼎寶妻俞氏年二十五夫亡守志撫二子成立卒年八

十五

具呈事實

葛孝思妻屠氏年二十二夫亡守志卒年七十九

具呈事實

張克盛妻屠氏年二十二夫亡守志卒年五十九

具呈事實

史積勤妻戴氏年二十五夫亡守志撫遺腹子成立卒年

五十一

具呈事實

徐光華妻張氏年二十夫亡守志四十六年

具呈事實

陳芝芳妻方氏年十八適陳五月而夫亡姑亦卒其伯欲

奪氏志誓不從紡績以謀食卒年五十八范永祺采訪

董承爵妻黃氏年十九適董一月而夫亡事姑撫繼子後

年八十餘卒范永祺采訪

蔣天桂妻黃氏天桂餘姚人以賈居邺既亡無子其族亦

無人可入繼者氏事姑及卒則并葬其舅姑夫弟之喪於

餘姚親友贈贖皆卻之復售所居立三代木主入蔣氏祠

苦節四十餘年范永祺采訪

方守真妻陳氏年二十七夫亡遺孤在襁祿氏紡織以事

舅姑卒年四十九具呈事實

馮文安妻韓氏年二十而嫁年餘夫亡撫孤守節三十餘

年具呈事實

何承琰繼妻李氏年二十四而嫁甫四月夫亡守節三十

八年

陳鴻偉  
採訪

何承璠妻趙氏夫亡年二十二守節三十餘年

陳鴻偉  
採訪

顧星如妻鄭氏年二十二夫亡無子家貧父母將改嫁之  
俟其夫喪踰七七期議定徵示氏意氏泣而不言乘夜出

門自沉於望京橋下

范未祺  
採訪

周彩章妻張氏年十七夫亡無子家貧族人議改嫁氏剪  
髮自誓立繼子以紡織資讀書成立卒年四十八

范未祺  
採訪

徐光有妻李氏

徐顯智妻周氏

徐顯貴妻嚴氏

徐金魁妻丁氏

徐金治妻鮑氏里人稱一門五節

具呈事實

案此合呈但言夫亡矢志守節不詳年月始末時

事先後故照姓氏錄之

吳德達妻朱氏夫亡守節卒年六十六

具呈事實

馬成立妻王氏結褵三月夫亡氏年十九守節卒年六十

具呈事實

李思諭妻徐氏年二十六夫亡守節

具呈事實

李恭安妻董氏年二十嫁四月恭安亡守節五十餘年

陳鴻

倚采訪

鮑春雷妻俞氏年二十二而寡家貧守志以女工所入奉

舅姑生養卒葬皆盡禮撫子得成立卒年五十六張承炯采訪

徐汝標妻張氏夫亡年二十守節撫孤卒年五十三具呈事實

邱學劬妻包氏夫亡年二十九守節卒年五十二具呈事實

張君顯繼妻單氏年二十五夫亡撫孤子秉乾秉乾亦早

卒妻陳氏年二十五撫二孤食貧困苦以事單單現年八

十四陳現年七十范未祺采訪

陸川元繼妻吳氏年二十七夫亡守志現年八十四具呈事實

徐錫章妻王氏年二十四夫亡守志現年七十二具呈事實

陸用章妻王氏年二十二夫亡守志現年七十二具呈事實

徐鼎臣妻陳氏年二十六夫亡守志現年七十一具呈事實

鍾承聖妻唐氏年二十六夫亡守志撫子現年七十具呈事實

周洪溥妻朱氏年二十四夫亡守志現年六十九具呈事實

沈榮妻徐氏年二十三夫亡守志無子事姑撫幼叔長成人稱節孝現年六十九具呈事實

王宗堯妻忻氏年二十四夫亡守志事姑撫子以苦節稱現年六十五具呈事實

王貞女楊氏養媳也年十六未婚楊氏子死女哭之哀願終事舅姑姑性悍多橫怒怒則加撻焉以貧故恆詈女必不終未幾姑亦卒女績紡浣濯自資積有錢矣而日常不

再食年五十乃告楊之族人曰舅姑及夫未葬幸以所積為擇地遂營已穴於旁現年六十五范永祺采訪

吳明鏞妻包氏年二十四夫亡守志撫孤事舅姑現年六

鄭縣志

十三

張承炯  
采訪

楊天石妻錢氏年十九夫亡矢志撫孤子娶婦矣未幾俱

卒氏乃依兄弟以居現年六十二

張承炯  
采訪

秦映川妻倪氏年二十七夫亡未葬隣火發已及室抱其  
子屬妯娌曰吾與夫歸一處矣止之不可逐而曳之者衆

柩亦并出現年六十一

范永祺  
采訪

王志恭妻邱氏年十九夫亡守志撫遺腹子現年五十九

具呈  
事實

馬德成妻蕭氏夫亡年二十四守志事姑課子動有禮法

現年五十六

具呈  
事實

水孝蕭妻范氏初字時年十五未幾孝肅得心疾久不愈

水氏遣媒辭婚氏父探之應曰安知病不愈背盟不祥遂歸之病稍愈得一子而復發狂以刀斷臂遂不起時氏年

二十五撫孤治家皆有道現年五十五

具呈事實

史嗣懿妻邱氏年二十六夫亡遺腹一子撫之成立卒年六十三其孫善治妻邱氏年二十二夫亡無子撫從子為

繼現年五十四

具呈事實

張文著妻閻氏年二十三夫亡折鍼誓守節以文著久病

後家益窘藉女紅度日撫繼子成立現年五十四

張承桐采訪

徐貞女字應宗成未婚而宗成亡氏年十八告父母懇往

弔遂守志立繼子撫之現年五十二

具呈事實

徐顯明妻俞氏年十九夫亡守志現年五十二

具呈事實



柴立鯨妻范氏年二十夫亡守志現年五十一

具呈事實

薛昌珠妻陳氏年二十四夫亡守志現年七十

具呈事實

鄞縣志卷十九終